

鈴

山

堂

集

鈴山堂集卷第八目錄

詩

奉送太宰楊公赴召

送汪吏侍先生

至日信州懷寄汪石潭宗伯

弋陽遇贈舜卿翰檢兼寄用修殿撰

送凌司訓

兩泊鳳洲酬寄朝望太守

遊洪陽洞

曉濟鄱陽湖

金一
泊弋陽江

夕會顧官諭兄姑蘇驛下

姑蘇城中少傳王公怡老園子貞中舍邀集

怡老園後池集

虎丘臨眺和朱侍御

二首

題悟石軒

賦少宰汪公西溪草堂

盤谷歌爲司寇高公賦

題胡使君可泉

蕭子卜居梅林賦贈

學士崦西兄論秀選朝次京江有詩見寄次韻奉酬

閣學吳公省墓例贈

贈張建寧太守

送葛刑部慮囚

經筵呈館閣寮長

經筵進講畢還至國庠會寮屬諸生聽講

送李若溪僉憲

送羅南康使君

贈柳州桂二守

贈簡少府

贈鄭南昌復官昔與逆藩之難

大理湯公壽詞

送趙司空致政

送秦司徒致政

送鄭刑部之南京

送吳學士視篆南京

陳監丞父壽詞

費氏橫林孝友堂詩為學士鍾石賦

經筵宴罷有述

賞荷劉司空部署次韻

夏日李公薇園燕集次徐少宰

徐養齋方棠陵偕至喜而有作用浚川少司馬

韻

鳳圖爲宗伯序菴公題

九日登戒壇寺閣

和陳司馬元日早朝

寄壽少傅木齋謝公二首

贈別汝湖學士

崦西徐少宰省中藤花開有詩予同作

寄贈宮保白樓吳公

贈劉梅國都憲

贈許學士歸省

贈賈司訓之山陰

答用修見贈

用修殿撰惠予蜀中雲松竹筆

用貞中舍贈雲根竹茅筆各一

夢竹卷題贈胡世貞允祿

鈴山堂集卷第八

詩留院藁

漁石唐龍

升菴楊慎評點

奉送太宰楊公赴召

豕德家聲遠登賢國論公泰應占世運聖已識淵衷
聽履星辰切持衡水鑑同構堂資柱石補袞藉山蟲
熙洽隆殷祚高明達舜聰平章均四海峻絕冠群工
霖雨收輿望丹青肖祖風四朝推練達一節想清忠
播物鴻鈞大掄材杞梓充山濤能薦士王旦不言功

猷告寧聞外謨詢待折中正容亡檢側軫慮切瘵痼
祖席逢秋淨王畿屬歲豐競看威鳳集周雅咏梧桐
送汪吏侍先生

叨隨鍾阜瞻依近悵別江波跂望勞長奉清言過玉
署重聞仙步上銓曹時艱前睹紆籌定國議新陪出
論高願坐廟堂同水鏡總收賢俊入甄陶

至日信州懷寄汪石潭宗伯

至日題詩信州驛泊舟虛館近寒汀江潭歲晚蛟龍
蟄巖壑霜餘檜栢青鳴玉尚思金殿直移文深憶草
堂靈謝公正在東山畔日對雲峯看翠屏

天畔登臺望北辰三廻已隔御筵春
冰霜暗惜年華老棋局頻看世事新
安得梅花逢驛使欲憑瑤草寄佳人
白鷗片片風湍急捩舵衝星下遠津

弋陽遇贈舜卿翰檢兼寄用修殿撰

京國何時出舟航此地逢批鱗叩龍闕
塌翼下鰲峰天地生全德江湖汗漫蹤
相留話今夕明發楚雲重

二

兩賢俱侍從萬里各風埃鳥道青冥外
誰憐逐客來醉歌頻擊劒愁望且登臺
珠樹同棲鶴蓬山遲爾回

送凌司訓

沅湘從此去孤棹雨冥冥烟嶼宜春望林猿足夜聽
青雲誰假翼白首嘆窮經明日河陽酒思君草色青

雨泊鳳洲酬寄朝望太守

厭聽高城雨還維古驛舟瓊枝那近眼烟浪適生愁

二

鴉濕波翻木鷗喧雨滿洲離心何處是暝色載孤舟

三

鳳洲幾回至一至情眷眷佳期渺未忘薄別寧當怨

四

山閣憶春臨渚花宜晚望不共灤西遊空懷郢中唱

遊洪陽洞

鶴馭鸞驂去不回
林扃岫幌客頻來
洞門日照烟蘿發
巖竇泉飛雪
屋開始驚竒
僻非人境更愛攀臨坐
石苔迴輿出谷千峯暝
猿嘯禽啼萬壑哀

曉濟鄱陽湖

鳴榔發荻浦
擊楫過蘋洲
晶晶霞日爛
盈盈天漢流
遠帆征未息
高鳥去何求
汗漫江湖志
吾今幾度遊

泊弋陽江

客思增悽斷
風湍渺宿留
雲來津樹黑
雨集浦帆收
作宦逢楊閨
辭家感麥秋
龜峯嵐霧裏
心賞若爲酬

夕會顧官諭兄姑蘇驛下

共憐揮手別鰲峯烟水吳洲此夕逢
世事祇應論塞馬春雷正合起潭龍
坐闌紅燭談猶健折贈瓊枝意自重
借問昔時鴛鴦侶幾人同聽鳳樓鐘

姑蘇王少傅怡老園子貞中含邀集

宛似入雞山寥寥雲壑間
攀松上巖翠憩石坐苔斑
霄漢清班接林園樂事關
昔遊陪劒履輝赫想台顏

怡老園後池集

竹逕蘿烟翠且重行尋幽洞失前峯
因攀巖下叢生桂故識雲中舊種松
樓臺碧水虛相映單馬高門日

自容猶道綠尊歡未盡別來深院起歌鐘

虎丘臨眺和朱侍御

泊舟禪逕石門通徙倚湖天望不窮正掃書壇拜和靖猶開梵塔禮生公汀洲晚浸蒹葭水臺殿晴呼松栢風惟羨觀風驄馬使清遊麗句滿吳中

翠嶺晴烟鎖驚峯玉泉陰洞隱龍宮高攀雙樹青冥上俯瞰三吳宿霧中沙浦斷雲低度鳥石林修竹靜吟風禪房水石佳遊在塵世滄桑浩劫空

題悟石軒舊傳生公說法石爲點頭軒以是名盤石寺門前相傳聽法年襲訛僧善幻賞勝客猶憐

松挂流寒月藤蘿起夕烟未須談寂理聊此息塵緣
賦少宰汪公西溪草堂

山輝知玉韞淵靜識龍居古邑名賢里膺門幸到予
開堂瞻劍履登閣覽清虛積翠羅千嶂分流貫二渠
夕雲生畫障春水動鷗魚庭愛森瓊樹門看擁駟車
玉牀留貯笏丹壁會藏書直道中朝仰高名北斗如
鳳凰需寵詔蘿月卧林廬理愜心彌逸神閒體自舒
萍遊奉佳論臨別意躊躇

盤谷歌爲司寇高公賦

樂清山水天下奇中間名嶼更逶迤坤靈勃鬱萃元

氣何人上築開新基高公百年草堂在林色川容未
曾改地隔桃源長子孫村標盤谷名江海盤谷幽棲
自隱君後人濟濟藉芳薰一溪森梓橫青野九畹蘭
蓀結綵雲堂下陰森滿松柏風雨泠泠護幽宅歲時
蘋藻薦明馨階前半是朱衣客司寇承恩著錦袍江
山掩映羅旌旄後來傑出况非一上下彩鳳看翔翱
禮成叙飲復酬倡接盞飛觥各相向里閭風猷出故
家朝廷禮樂歸群望吁嗟乎湛恩餘慶奕世存路人
盡識于公門請君試聽歌盤谷昔日三槐安足論

題胡使君可泉

秦安卦山北相傳有異泉胡公讀書處釣月弄潺湲
漱玉雲根淨牽蘿雪瀑懸夜絃翻雅調春甕瀉芳消
江海覃餘澤山林結靜綠鑑澄心比瑩膏潤嚼同蠲
地以高賢勝圖將美蹟傳次山文筆健巖石幾銘鏤

蕭子卜居梅林賦贈

蕭子卜居梅林賦贈
溪上梅花玉作林溪邊茅屋苦寒侵孤山倚棹逢詩
興潁上移家見客心日晚漁歌來浦溆雪晴花色上
衣襟風塵擁傳勞爲郡時向滄洲寄一吟

學士庵西兄論秀還朝次京江有詩見寄次韻

津酬

悵望使星天漢上欣傳書札在雲邊即從玉樹看顏
色却以飛蓬感歲年南國文章留藻鑑北扉冠佩近
鑪烟追攀莫及空相憶吟對寒流月滿川

閣學吳公省墓例贈

出郭烟霜破曉晴賜舟津吏報嚴程青春故及還鄉
樂黃閣應看扈聖榮家有絲綸三世貴學惟忠孝
百年情天平泉上知回首手種松楸次第成

贈張建寧太守

武夷烟月鎖潺湲露冕春行碧嶂間粉署却辭仙直
遠滄洲故興吏情閒朝廷政賴循良寄閭巷風從揖

讓還精舍考亭松桂在爲收遺籍副名山

送葛刑部慮囚

久持憲簡推高步遠下星軺捧德音漢使光華聯命
出虞廷欽恤霽恩深春從化筆回膏澤日到園扉仰
照臨共道于門多世德駟車重駐越江潯

經筵呈館閣寮長是日子與費宮贊講尚書說
命孟子國君進賢二篇

芻蕘何語可聞天敬展瑤篇洞案前從諫願逢

明后聖審官期用國人賢壺添玉漏移晴旭香近金
爐引瑞烟幸奉太陽依末照愧從滄海託微涓

經筵進講畢還至國庠會寮屬諸生聽講

翠華仙殿說經回冠帶橋門講義開豈有涓埃裨
聖學獨慚模範育英才雲龍嘉會逢明代奎壁祥光
應上台聽誦唐虞風噩爾載歌琴瑟思悠哉

送李若溪僉憲

別君南國若爲情聚首無端復送行同里衣冠知己
少外臺風紀拜官榮枕櫂夜宿蠻中驛金鼓晴登嶺
外城儒術古來經世用直看尊俎坐談兵

送羅南康使君

猶煩領郡赴江干千里南州路未難遺愛舊栽棠樹

徧別懷今放酒盃寬山深洞可尋名蹟家近書能慰
母歡見說府中公事簡五峯蒼翠倚樓看

贈柳州桂二守

南登桂嶺道却上楚鄉舟賦就江籬晚書回旅鴈秋
山形攢劒戟方語雜旃裘好種江邊柳還將惠化留

贈簡少府二首

御史一
之仲父

客舍依蓮宇清風滿竹林愧予懷短刺長喜得幽尋
旌節梁園迥雲山楚甸深別離明月共千里寄同心

二

爾向滇中去官程柰遠何雲峯當馬峻霧樹聽猿多

郡僻逢迎簡天南氣候和相期敷惠政早入遠人歌
贈鄭南昌復官昔與逆藩之難

黃綬欣看復在身却論前事益沾巾江關亂後餘殘
壘棠樹春來泣故民人情閱世從翻覆直道憐君有
屈伸已喜拜恩同雨露可堪回首憶風塵

大理湯公壽詞

廷尉當朝彥榮名晚節全棘堂卿月迴天署法星懸
魏闕班頻入巴山使夕旋邊陲經畧後旒冕對敷前
議政過松掖聽經侍翠旂禮看優寵渥貌不怠恭虔
利鐸餘盤錯貞松閱歲年書雲逢令節彌誕秩初筵

金上卷
却老傳真訣陰功格上玄于公曾活獄貢禹解惟賢
宅蔭宮槐近窓迎海日先願言躋壽域長此奉堯天

送趙司空致政

疑然冠劔漢司空出入三朝操履同事忤貴人知節
樂心憂王室見清忠俞章賜允 皇仁大薦剡留賢
物論公遙羨高躋去塵網雲霄萬里一冥鴻

送秦司徒致政

履聲長聽殿東墀但席春明是別時去國二賢輿論
惜登庸八座大名垂雲霄路隔冥鴻遠江渚情牽碧
草思莫謂東山成穩臥蒼生應有謝公期

送謝刑部之南京

人事無端類轉蓬，更勞分署過江東。
三年臥病烟霞隔，尊酒逢君笑語同。
地勝湖波浮几席，秋深庭菊傲霜風。
蕪城亦是系乾路，望近橋陵紫翠中。

送吳學士視篆南京予舊領此職

二年相逐喜同聲，幾度塵沙並轡行。
新握院章當妙選，重吟江樹動離情。
蓬瀛地接金鑾近，城闕天開碧嶂清。
借問舊堂脩竹在，壁間虛薄愧題名。

陳監丞父壽詞

壽酒新開秋露盤，草堂高隱碧雲端。
花邊玉杖閒堪

挂篋裏丹經老自看濟郡伏生還授學鹿門龐叟只
遺安膠庠有祿能分養恬淡無心羨達官

費氏橫林孝友堂詩爲學士鍾石賦

地擅溪山美鄉稱德義門衣冠先澤遠詩禮古風存
瓜蔓綿相引槐陰綠正繁傍巖開甲第統砌樹芳蓀
疊嶂芙蓉峙飛流玉練奔赭亭春秀茗績石夜聞猿
羅幌攤書靜萍池洗墨渾釣遊仍舊里騰翥並天關
黃閣崇師保中朝偉弟昆朝回珂滿路燕集醴盈尊
遺範元無改殊恩詎可論祇應傳五桂名比竇家村

經筵宴罷有述

衮席龍盤展仙班
鷺列行賜筵
沾玉醴歸袖帶爐香
身到鈞天近恩垂湛露灑
聖朝儒學貴虛薄愧明揚

賞荷劉司空部署次韻

東省盆荷初夏開
綺筵晴旭淨風埃
氣和嘉瑞先時見
地迥靈根近日栽
鏡水綵雲頻對酒
露盤仙掌獨登臺
尚書星履朝天罷
每爲紅芳竹筵來

夏日李公薇園燕集次徐少宰

堂軒地迥開新築
松檜年多長舊圍
涉逕忽驚炎暑失
尋詩故與俗情違
池邊折芰留連坐
竹外移燈酹
酹歸遙想紫薇花
上月清宵獨對謝玄暉

徐養齋方崇陵偕至喜而有作用王浚川韻
江上新傳李郭舟鶴汀鳬渚羨清遊誰知今雨來千
里似憶佳期渺十洲梧竹越山棲綵鳳風雲天路引
驂騑相留擬下南州榻醉裏狂歌海月秋

鳳圖爲宗伯序菴公題

鳳飛千仞宿崑丘饑食竹實渴飲滄海流人間此物
不易見云胡得之置在中堂幽巖然注視使我疑文
彩照座光陸離初驚素壁開丹穴忽辨朝霞捧赤曦
騰輝絢景瀾東海積石方壺渺焉在羸女簫聲隔彩
雲緌仙笙韻流蒼鶻憶昔重華稱盛治覽德呈祥曹

一至周京載見岐山鳴邇來千載不復聞其聲祇今
粉墨丹青空爾形方今 聖人在位寰宇清豁廓氛
曠登休明鏘鏘韶濩諧靈奏藹藹鴻翼充王廷吁嗟
乎人中之鳳乃所珍我愛南宮上卿美且仁格天事
業歸寅直華國文章重縉紳昌辰更賦卷阿什化日
高翔阿閣春

九日登戒壇寺閣

梵閣千峯裏征驂九日來松蘿禪逕入龍象法筵開
黃菊寧簪帽青蓮獨上臺如堪授真戒吾此息氛埃

二

塵跡何因到名山不易逢谷深微辨徑寺近始聞鐘
古樹寒飈急幽軒夕翠濃菊觴違雅集相憶在高峯

是日學士汝湖
邀集予不及赴

和陳司馬元日早朝

裘袍當殿識威嚴黃表開函近御筵舜曆堯欣載
紀日華天表慶同瞻赤葵心向青陽吐豐草恩隨湛
露霑聞道塞垣新撤警聖謨賢略已先占

寄壽少傅木齋謝公

孝廟看遺老明公獨巋然向非平格壽那覩中興年
劍履重趨闕純誠自格天要知敦薄俗湖上有歸船

二

再入中書日諸生得重親
伏宗瞻氣象龍馬美精神
正喜謀衡室旋聞偃渭濱
高樓限巖壁壽宇若爲陳
贈別汝湖學士

少年擢第勝瓊枝同在清朝白玉墀
漸老不堪仍送別後期
何地更傳卮橫經帝幙皆稱貴
載筆綸闈已訝遲
剡水越山深駐馬因看春草一相思

崦西徐少宰省中藤花開有詩邀予同作
徐昔侍外舅守溪公授經于此今繼踐其職云

華省曙沉沉朝回坐密林
竹風增爽氣花露淨朝陰

軒靜馴孤鶴牀空對素琴皆言公輔貴仍有薜蘿心

二

地是留棠舊人應比玉清獨攀東省樹猶憶下帷情
蘿映攤書靜花增染翰明天庭多雨露歲晚共芬榮

寄贈官保白樓吳公

却憶吳門濠上居草堂高閣瞰清虛青宮舊識尚書
履石室應藏太史書開檻海鷗依釣席移尊山鳥候
籃輿鴻冥鳳翥誰堪似郗桂莊椿慶有餘

贈劉梅國都憲

保釐東土新恩下制置江淮後命催當署棠陰隨處

滿自天龍勃兩迴開樓船聽雨看吳岫
滿臺報國總需劉晏策逢時不羨賈生才

贈許學士歸省

銀魚學士今公輔青霞丈人真地僊紫誥黃麻
露瓊林瑶草傲風烟萊衣拜慶承恩誥
壽筵暫向故園榮畫錦即歸蓬閣賜金蓮

贈費司訓之山陰

遊吳還適越心賞寄風烟世業稱韋相諸生仰鄭虔
客帆秋草外官舍海雲邊送爾增遐想重歌棣萼篇

答用修見贈

雞鶩爭稻梁鳳凰食琅玕感惻念物理沉寔結憂端
俛仰宇宙間知己良獨難我友在遠方欲往從遊盤
岷江阻奔洶劒嶺間噴吼緬懷九苞質詎接雙飛翰
睽離驚歲改棲息喟形單斷吟春雨暮采菊秋露漙
明后應天曆衆賢集衣冠奄忽千里至執手平生歡
濯纓升博望蹕纁遊長安愧比蕭艾姿芳馨託幽蘭
幸容竽跡濫莫遣膠盟寒晤言期誰與懷抱爲君殫

再次

昔行湘江曲萬竹青琅玕低枝蔭水石高葉拂雲端
蓬蓬心賞趣寧辭行路難灘波渺萬里桂嶺鬱千巒

風溪渡颿爽雲嶠陟嶢峴會意輒縻駕放歌或清翰
形勝豈不美但愧言詞單竭來故山住兩見白露漙
睠言懷魏闕復此彈塵冠休文自多病劉琨故少歡
京國多貴遊閉門臥衮安贈君湘川竹貽我握中蘭
蘭流香氣馥竹凜清風寒貞素各自保精衷詎能殫

三

夫君起西蜀謁帝陳琅玕妙齡賜上第聲名動朝端
遂令海內士嘖嘖稱才難譬彼珊瑚枝置之赤瑛盤
清輝映皎潔修幹凌嶢峴賤子忝官署往往接英翰
珠玉富璀璨覺我形寒單開緘清風穆入手垂露漙

耿耿蒼水佩，我我切雲冠。池看鳳毛貴，庭憶彩衣歡。
蒼生望安石，才人羨子安。秘林應擢桂，謝砌總生蘭。
巨川須拯溺，廣廈思庇寒。致身立津要，早願歛猷殫。
用修殿撰惠予蜀中雲根竹筆

西蜀雲根修竹，清管城新製，比南金携來，尚帶岷峨
色。賞劇全傾翰墨林，欲賦遠情，牽渭樹合裁天詔，灑
商霖。虛心直節，元相倚珍重，佳人贈愛深。

用貞中舍贈雲根竹茅筆各一

青茆束束銀兔毫，雲根修篁鸞鳳毛。娟娟柔翰利所
操，攜持蜀山越江濤。投贈直比金錯刀，翰林文價重。

爾曹念我寒思增鬱陶

夢竹卷題贈胡世貞光祿

君家竹林何處所萬玉蕭森作風雨夜聞鄉夢遶園
扉曉望征帆渡江水江水悠悠堪濯纒美君風致有
餘清玉堂延閣辭分直鳬渚鷗汀思結盟忠安公後
重家聲千萬里身晉陵城雲泉自占江南勝軒蓋寧
論世上榮世間萬事何反覆平地波瀾變蠅玉君今
歸去耳不聞把筆題詩倚青竹

鈴山堂集卷第八

鈴山堂集卷第九目錄

詩

發京六部都察院通政司大理寺諸公會餞于

報國寺

登毘廬閣

寅長方李二公董徐二少宰至勝泉寺餞別

勝泉寺宿

夕濟黃河

鄭州察院

中秋新鄭提學高子太賓集飲

峴山謁羊侯祠

九日獨詠

初謁官保九峰孫公

題官保孫公宜晚亭

安陸陽春臺在 潛邱之西 皇考嘗登陟有

賦都院行署賈執其麓往年南塢賈公以禮

侍奉 冊命寓此茲署有詩後六年門人嵩

亦忝此官來奉 冊命觀壁間次韻

吉祥寺

晚次普門寺是日發郢諸公餞於池河

晚次襄陽

使歸途中作

裕州阻雪

保安驛遇張內翰南使

行次汝墳

渡冰志險

立春日至京先寄崦西少宰

九日天壇登集酬夏桂洲都諫

陵祀奉簡聞司寇唐中丞

泰陵果園夕憩感述

陵祀夜歸

昌平學官劉諫議祠簡吳學士王徐二太史

清河村舍與聞唐二公小酌

送林石崖都憲

贈陳都帥

贈王太常之閩藩

夏學士榮賜犀帶并手勅褒諭賀以是詩

奉和序翁先生從遊西苑視轍

奉詔陪祀穀祗壇西苑遊囿汎舟太液和亭

溪學士

贈管銀臺

賦練塘卷李御史父

初入銓曹

赴任南禮部九卿會饒十萬袖卷次韻留別

過東昌壽許學士尊翁九十

安山待聞

曉行南湖寄友

重經石佛閣望片傍閣而賦之

將至徐州風阻野泊聞陳水部挈舟來會作此

寄之

徐州陳水部萃墨亭留題

夜至淮陰中丞劉公臨訪遂讌臺院

讌張總戎宅

揚州別鄧太僕以正因寄玄菴穆學士

泛鴛湖

謁孝陵

南宮初上

送何司空

贈潘吏侍同年

顧戶侍考績補贈

序翁相公惠寄對月且懷之作依韻拜酬

留都諸司拜進元日賀表僕忝官禮曹當職題

署攝事訖敬識一詩

金陵城西泛舟太宰劉公邀集

觀音山驚磯臨眺

觀音山次紫巖太宰

觀梅花泉同紫巖太宰

牛首寺

曉登朝天宮西閣集宴還坐東麓亭有作

和浚川大司馬

和紫巖太宰

和久菴少宗伯

和筠谿少司馬

金仙堂集卷第九

詩使邸稿 留省稿

升菴楊慎評點

發京六部都察院通政司大理寺諸公會餞于

報國寺

雙龍御節下重霄九棘芳筵集上僚冠蓋寵行賓禮
重山川銜命去程遙天香清楚留僧室霧樹啼鶯別
市橋幸遇 聖明崇孝理願從南國采風謠

登昆廬閣

遠目窮秋望高牕試醉攀鱗鱗列城肆莽莽抱京山

沙磧來鴻細松陰處鶴閒邸裏從此去旌旆幾時還
寅長方李二公董徐二少宰至勝泉寺餞別

古寺郊園勝名卿寵餞過還同習池醉更唱渭城歌
澗影依松桂潭香折芰荷暮歸軒蓋遠奈此別愁何

渭城
城奏合自佳

勝泉寺宿

相送各已返獨宿在招提鐘漏臨城迥星河隔樹低
方欣市喧寂轉覺客懷悽因嘆勞勞者深慙蘿薜棲

夕濟黃河

榮澤縣

秋叢沙路難分拍岸驚濤駭客聞千帆浪裏惟看

影一鴈天邊自叫群漫灘積水渾無地極浦青山半
入雲借問榮城在何處不堪荒戍閉斜曛

鄭州察院

使節晨驅初渡河宋京梁苑日經過停車最愛茲軒
榭維楫猶驚昨暮波暑路塵沙淹暝思晚雲臺榭起
悲歌晉公祠墓千年在悵望秋烟隱薜蘿

州南有裴晉公墓

中秋新鄭提學高子大賓集飲

此夕中秋月來從鄭邑看冰輪出海淨桂子落雲寒
暫對儒臺酒聊尋旅夜懽如何千里別兒女憶長安

二

倚檻浮雲頃開樽片月隨陰晴那可定會合正難期
桂苑曾題柱梁園好賦詩相留惜佳景明發路逶遲

三

途倦風塵色堂清燈燭光倏逢秋月滿轉覺旅行長
螢度霜高幔蛩鳴出壤墻坐聞鐃吹發留賞盡餘觴
峴山謁羊侯祠

晉代傳遺愛羊祠獨至今峴山南郭上千古一登臨
未下看碑淚猶懷仰止心湯湯德澤在日暮漢江深
九日獨詠

齋館坐空寂雨聲荆楚秋風高木葉下天遠漢江流

佳節思萸菊新寒理褐裘從來慣爲客展卷自金

二

地近宜城酒秋高宋玉臺臨觴那取醉作賦轉興哀
浙浙浦楓落冥冥湖鴈來陽春堪極目雲霧曉須開

陽春臺名

初謁宮保九峰孫公投贈

昔窺東閣恨無因得使南邦喜見親清漢波深龍久
卧碧雲天杳鳳難馴功成名遂昇平世溪泛山遊嬰
鑠身却到錦堂叢桂裏帝臺風月自爲鄰

題宮保孫公宜晚亭

取杜句而名

翠屏無限好歷歷近青冥落景閒宜對高歌醉自聽
浦帆依鳥盡巖桂向人青黃綺疑公是終朝輔漢庭
安陸陽春臺在 潛邸之西 皇考嘗登步
賦今都院行署實枕其麓得年南塢賈公以
禮侍奉冊命寓止茲署有詩後六年門人嵩
亦忝此官來奉冊命觀壁間題敬和一章
皇居帝鄉接仙臺使節春曹步武來 睿藻昔嘗留
翠巘塵踪不敢浣蒼苔龍文御氣氤氳合璽冊天書
煥爛開畫省玉堂傳盛事和家衣鉢歎非才

吉祥寺

巖巖何疊鬱林澤亦芊綿鷲峰銜殿閣珠樹倚風
此地逢昌運先皇有賜田永戴堯天日流輝照法
筵

晚次普門寺作是日發郢諸公餞於池河

郢樹山應隔池河酒尚醺獨尋谿寺宿疑遠世人
群古桂寒禽聚虛堂夕磬聞神宮更瞻眺御氣繞重雲

二

騎擁巖旌合鐘鳴松寺深煙霞盤石磴臺殿聳珠林
未息征途駕偏憐閱世心郢邦今帝里簞使幾經臨

晚次襄陽

朔雪荒臺獨鴈飛
楚鄉凝眺轉依依
天連浦溆惟寒水
山隱城皋已夕暉
旅客競尋潼口住
釣船閒傍鹿門歸
龐公舊隱巖扉在
悵望無因得息機

使歸途中作

來日炎歸雪飛星
輶江漢遠駢駢
空山驛傍春梅靜
荒徼人逢漢使稀
南國音書憑旅鴈
上林花色待朝衣
眼中留殢堪垂涕
細寫封章達禁扉

裕州阻雪

玄陰凝北陸
皓雪遍中衢
整駕遲明發
覽望復踟蹰
野曠厲飈急
脾荒饑鴈呼
昔至衝炎日
還今逢歲徂

蓬轉無停跡，輶經多畏途。臨餐乃三嘆，滿中盈饌夫。
保安驛遇張內翰南使

驛榻風燈倚暮寒，庭松積雪皓宜看。使華遠下金鑾
直，家慶先承綵服懽。江鴈引帆過鄂渚，苑花迎珮憶
長安。扈從正待揚雄賦，感激須彈貢禹冠。

行次汝墳

汝墳百家市，依依墟土間。野曠豁予目，青見車前山。
嵩嶺露微雪，伊流瀉潺湲。倏感炎燠改，俄興旌旆還。
遇勝初會意，省舊仍慘顏。慙乏拯人策，默默但憂歎。

渡冰志險

樂澤

洪河水上度回望使人驚寒日無朗照哀鴻有斷鳴
上句先聲
垂堂孝子戒叱馭古人情天末風雲色蕭蕭送遠征

二

遠役逢年暮危途感命輕長河蟠地險積雪與天平
逆旅悲今古浮雲是利名昔聞高蹈者被褐偃柴荆

立春日至京先寄嶠西少宰

星輶計日覲神京彩勝迎春在客程沙上柳松烟霽
色水邊樓閣鴈歸聲陽回海宇人皆樂雲近蓬萊眼
倍明畫省故人勞見念清詩早爲卜旋旌
公贈詩有
蘭橈應逐

早春回

之句

九日天壇登集酬夏桂洲都諫

三首

仙都樓閣堪凝望諫署虛觴得盡歡
九日舊從塵裏過八埏今向眼中寬
風來碣石驅濤壯日上扶桑影
樹圓君擅高才能作賦吾憐短髮未
欹冠明良一代賡歌風禮樂千年復
古難即擬秦壇陳藻枯早聞聞
闔獻琅玕

八座軒裳吟對酒佳辰此會若爲歡
鳳飛正借高梧近鵬運真同碧海寬
青楓極浦遙連影細菊重巖巧
綴團桓孟高風追落帽夔龍勝集慶
彈冠層城烟霧將歸遠郢曲陽春欲
和難莫把茱萸問誰健共看顏

金山集
卷之四
色比琅玕

陵祀奉簡聞司寇唐中丞

秋日野晴朝露晞六陵如黛淨煙霏村原幾處臨寒
水臺殿千重鎖翠微頻來古寺能留榻久客緇塵欲
化衣西省內臺俱重望叨陪鵷序有光輝

秦陵果園夕憇感述

秦園衆峰裏冬晴雪樹稀宮監棲巖翠山禽下夕暉
攀髯悲隔世種木見成圍悵憶臨軒日瞻天淚暗揮

陵祀夜歸

繁星攢列炬流塵起飛鞚遶樹遠鐘微霑衣零露重

四望碧山椒
山深夜寂寥
雲興歸縹緲
殿鎖蒼苔荒
重泉光景匿
蔓草蛩聲唧
唯有朝陵使
年年來此夕
昌平學宮傍
有劉諫議祠
翰林諸寮陵
祀則寓止祠
下予昔備員
史官嘗兩至
焉追憶舊遊
簡吳學士王
徐二太史

瀛館虛塵榻
香燈伴古祠
衣冠秋祀到
風節里賢思
堂近棲鸞樹
泉分采藻池
俊僚來衮衮
仍續舊題詩

二

謝公墩尚在
賈傳井依然
問訊祠前柏
懷予繫馬年
並遊看玉樹
分直想金蓮
已是仙凡隔
衰庸愧後賢

清河村舍與聞唐二公小酌

十里清河去未遙
暖烟秋色過楓橋
柳條驚風故零亂
茆屋枕溪還寂寥
誰家砧杵敲寒練
客子風塵換敝貂
乘興且傾黃菊酒
還家須憶紫宸朝

送林石崖都憲

中丞出鎮在扶風
共說登臺兩主同
天語宣廷催擁傳
霜威滿路避乘驄
簪纓獨繼家聲重
斧鉞榮兼節制崇
宵旰憂勤問民瘼
幾回夢寐大明宮

贈陳都帥

平生仗奇節
感激與誰論
報主丹心切
祇戎偉績存

營鋒百陣合漕粟萬舟屯受詔辭皇邑驅車還里門
龍泉別壯士春草憶王孫聞有飛章薦重來謁至尊
贈王太常之閩藩

未論海嶠與宸居同是君恩感激餘地僻雲霞三島
近官清琴鶴一舟虛省微晝永消爐篆山荔風香引
傳車知爾茲行暫分手即看宣拜紫泥書

夏學士榮賜犀帶并手勅褒諭賀以是詩

賜犀新寵冠朝行飛白宸奎照玉堂霄漢渥恩承湛
露瑣闥清論滿朝陽君臣合契同魚水廊廟掄材有
棟梁留與詞林傳盛事要知明主重惟良

奉和序翁先生從遊西苑視穀

行宮別殿接嚴宸，詔賜同遊禁苑春。
龍渚泛舟呼力士，御厨分膳輟饗人。
陽和茂對皇情豫，雲漢昭回聖藻新。
政以艱難知稼穡，共言魚水喻君臣。
國無愧初唐

奉 詔陪祀穀祗壇西苑遊矚汎舟太液和臺

溪學士

祗壇奠璧曉光初，法駕臨疇宿雨餘。
幕近爐烟浮羽仗，林晴花色上簪裾。
身逢廣樂鈞天盛，世際淳風太古如。
農畝起家陪帝籍，江鄉春事憶郊居。
僊居春汎渺銀河，桃杏紅芳水綠波。
日出芙蓉開帳

殿風迴笙吹繞雲羅汀洲鳬藻榮光滿樓閣烟花淑
景多不是傳宣承帝澤豈緣天路得經過

贈管銀臺

奉使持天節寧親捧壽不傳車寒色送歌吹夕陽催
驛傍河津轉關迎隴月開留歡猶未盡計日漢庭回

賦練塘卷李御史父

悠然練塘上拂榻坐清風綠樹重於蓋澄流映若空
魚來深石下鳥度夕陽中獨有乘驄客看雲憶甬東

初入銓曹

肅穆堂堦迥陰森栢檜齊吏人依鶴立鳥雀傍林棲

水鏡懸清鑒絲綸照紫泥天曹元峻絕何意得攀躋

中堂有

宣廟勅諭

鑪篆銷寒晝濡毫削奏書多慙華省貴祗擬列仙居
心結壺冰裏恩垂雨露餘如何報 明主薦士滿公
車

赴任南禮部九卿會餞于萬福菴次韻留別

五雲回首望宸宮感激 皇恩覆載同身比馬牛難
報主心隨江漢亦朝宗編豐故擬周京重禮樂親知
舜典崇自是臣勞均出入豈將鴻跡嘆西東

星輶駐節倚禪宮祖席登筵八座同禁苑鶯鷺芳

遠留都下樂愧稱宗正逢春郭烟花麗更別天卿禮
數崇已滿長安辭日下獨看雲樹賦江東

是日太宰
旨溪翁具

盛饗特

過東昌壽學士許龍石先生尊翁九十

地是登瀛里春當獻壽辰鳳書疊詔重鵬錦製袍新
祿符千鍾養天扶百歲身古松仍偃蹇老鶴倍精神
仙色侵瓊宇椿陰上繡茵欲知恩慶遠東海正無垠

安山待聞

客思去匆匆川程渺未窮水生波蕩潏日出景冥濛
花發當春樹舟牽逆浪風頗覺征途倦情非少壯同

堯行南湖寄友

遠樹猶含霧澄流欲颭空
帆檣飛鳥外簫鼓曙烟中
映帶江林出縈迴島嶼通
無因寄相憶春草正蒙茸
重經石佛閣望岸傍閣而賦之

梵閣臨江記昔攀白雲蒼檜鎖禪關
波瀾極浦浮高棟霧靄疎林出斷山
盡日帆檣經樹杪
早時鐘鼓落人間
塵勞未息堪惆悵又送官航此路還

將至徐州風阻野泊聞陳水部拏舟來會作此

寄之

津程望近轉離憂
高浪煙汀阻宿留
刻渚正襟人

徃春山真憶鳥相求雲飛沛里風仍起江遠黃樓水
自流聞說冬曹新政好極知才是濟川舟

徐州陳水部萃墨亭留題

高浪軒中沸層樓畫裏開浦雲千嶂合漕粟萬艘來
墨萃刊亭石風歌上沛臺樹連平野盡江逐古營回
碭澤煙霞改桓山松柏哀莫倚登樓賦還資理國才
夜至淮陰中丞劉公臨訪遂譙臺院

鳬渚風燈亂傳呼繡斧來那知維月舫更得近霜臺
披豁聞高論將明仰上才華觴春漏永懷抱政須開
譙張總戎宅

祭戟元戎第文觴得暫過鳥吟春樹遍花映夕堂多
家世張車騎勲名馬伏波淮洲見明月其奈別離何
漢車騎將
軍安世

揚州別鄧太僕以正因寄玄菴穆學士

養拙慚吾道茲行偶共君長途欣並舫此路惜離群
樹隱煙中郭帆飛海上雲因聲寄玄老公暇好論文

泛鴛湖

樓榭

排真吳古

開煙霧汀洲似畫圖城陰度綽窰天影入虛無

岸迥傳清吹波深洗玉壺茲辰春日好留興在鴛湖

謁孝陵

蟠皇陵閔青松道長百靈羅象衛五位備冠裳
龍劍風塵靖羅圖日月光山空颼吹急蕭颯動宮牆

二

社稷戎衣起梯航玉帛朝睹河功戴禹瞻廟祀宗堯
石馬嘶空翠金燈照寂寥遙看鍾阜上御氣滿層霄

南宮初上

謬忝文昌入虛懸禮樂司居當分陝地榮及履星時
位重才非稱恩深報未知願奉惟寅訓還陳匪懈詩

二

爽氣澄秋朔朔光動省闈竹風來錦席花霧上朱衣

北斗躋衡峻南曹領務稀
聖明謨典在萬世敢愆
違

送何司空

冬曹公報政鍾阜我移官傍樹開新築臨觴叙舊歡
宦途勞涉歷世澤盛衣冠豈乏春華好青松耐歲寒
贈潘吏侍入覲

少宰今時望風儀八座看留曹稱水鏡北闕待鴛鴦
振鳥秋塵淨登車曉月寒同年滿朝署相見慶彈冠
顧戶侍考績補贈

民部知名久清朝最老成松當雲壑古米貯玉壺清

國計分留暑秋帆上帝京贈言慙我後叨此繼同聲
序翁相公惠寄對月見懷之作依韻拜酬

遠傳仙翰到南宮安得清光此夕同氣味敢畧云關並
臭瞻依真以岱爲宗冰銜寵帶銓衡重衮席榮躋殿
閣崇共賀太平今有象德星環聚五雲東

公新改吏部

留都諸司拜進 元旦賀表僕忝官禮曹當職

題署攝事訖敬識一詩

表函遙賀謹題封黃袱親緘獻九重下土葵心惟向日
丹霄雲氣總成龍青陽啓律歡稱壽紫禁趨班憶
聽鐘八座二京分職事涓埃無補愧登庸

金陵城西泛舟太宰劉公邀集

疊嶂澄江遶帝州金尊錦席在蘭舟
正逢吏散軒窗集况是郊晴霧雨收
隔岸帆檣迷浦溆傍城樓閣帶林丘
名都勝槩還今賞赤壁高陽空昔遊

觀音山鷺磯臨眺

高雲石壁相因依側倚蓮宮臨鷺磯
畫棟巖巒開險絕滄州煙樹隱霏微
鯨鰲吹浪三山動帆船乘風萬里歸
日晚川長堪悵望天青無盡鴈孤飛

觀音山次紫巖太宰

危欄高棟俯江深蘿逕松門勝可尋
祇苑白雲生靜

思石谿紅葉動秋吟遙岑不改鴻濛色清嘯如傳
鳳音軒蓋擁林鐘磬發山僧應記宰官臨

天末長雲逐鴈來江間波浪起孤臺初晴風日邀登
閣勝地山河對舉杯看帽山公期取醉揮毫李白故
稱才極知人世間情少多謝霜前白菊開

觀梅花泉同紫巖太宰

聞道幽香臨絕澗偶尋遺跡一相過風前雪樹花難
覓岩上鐫題字半磨苔逕客行青嶂遠石堂僧占白
雲多塵驂此地應稀到洞口年年長薜蘿

牛首寺

絕嶺雙峰天闕開禪房幽洞鎖莓苔巖巒路轉孤雲
近松栢風生萬壑哀當日翠華臨別殿武廟南巡駐蹕茲山千
年威鳳起層臺細觀惟有階前樹歷盡人間累劫灰
有貞觀年詔杏樹大數圍

曉登朝天宮西閣集宴還坐東麓亭有作

江郭晴煙翠且重山城紫閣坐高峰杯前木落蕭蕭
影天外鴻歸渺渺蹤御氣尚浮宮苑苑寒聲遙送石
門鐘偶尋玄圃逢瑤草擬接丹霞訪赤松

和浚川大司馬

霧閣雲窓拂曙開白沙青嶂遶城回
龍鱗浴日正光

動龍蜃嘘空海氣來萬事糾紛堪息駕百年佳勝偶
登臺遙籌作賦人能事莫厭頻來把酒杯

和紫巖太宰

仙家樓閣隱差義麗景祥煙入檻多劍失正憐龍久
化臺空猶憶鳳曾過冶城遺事遙難問卞廟精忠耿
未磨風物豈殊挑洞宴陽春重和郢中歌

此地乃冶城舊址有

卞忠貞祠

和父菴少宗伯

裊裊高雲覆閣陰冥冥宿霧映江深叢篁暝帶林烟
碧獨鴈寒隨浦樹沉天上樓臺堪悵望水邊亭檻足

金上卷之九
幽尋共來佳麗金陵地重對樽前謝眺吟

和筠溪少司馬

冬日邀賓東麓閣凍雲簷日共淒涼天連水蕪段
淨霜落千林橘柚黃暫對碧山心自逸獨攀瓊樹意
何長風烟遠日增幽思身病逢誰能亦盡觴